

# Powšitkowne WOZJEWJENJA

njedźelu, 4. decembra 2016

## **TCM – „Łužica pomha“ prosy wo dary za džěacy hospicny wotrjad**

Towarstwo Cyrila a Metoda z.t. (TCM) chce ze swojej lětušej pomocnej akciju „Łužica pomha“ hospicny dom we Vilnjusu w Litawskej podpěrać, w kotrymž ma so wotrjad za na smjerc chore džěci zarjadować. Dom bu před lětami z klósterskeje ruiny natwarjeny. W Serbach derje znaty farar Hans-Friedrich Fischer, kotryž wosebje w lětnich měsacach w serbskich wosadach měšnikow zastupuje, so sobu wo financowanje hospicneho twara stara.

Džensa džěła w tutej hladarni 29 přistajenych (lěkarjo, hladarjo, domowy personal a zarjadnistwo), kotrychž wjace hač 30 ludźi čestnohamtsce podpěra. W tutym hospicu – jeničkim po cylej Litawskej – je tuchwilu 14 małych bydlenčkow za ludźi, kotřiž su na raka schorjeli, a jich přiwuznych zarjadowanych. Před něšto měsacami stej uniwersitna chorownja we Vilnjusu a Zwjazk katolskich žonow nawodnistwo hospica prosyłoj, zo by dom wo wotrjad za džesać na smjerc chorych džěci rozšěriło. Twarske kóšty za to wučinjeja něhdže milion eurow. Tuž prosy TCM wěriwych wo šćedriwe dary na konto Cyrill-Methodius-Verein e.V. IBAN DE 65 750 90 300 000 828 23 66, pod heslom „Hospicny dom“. Štóz přeje sej darowanisku kwitowanku, njech poda na přepokazance swoju dospołnu adresu.

*J. Špitank, předsyda TCM*

## **Młodostni na adwentničku!**

Adwentnička serbskich młodostnych budže lětsa njedźelu, 4. decembra, w Radworju. Wona zahaji so w 14 hodź. z nyšporom w cyrkwi, kotryž wuhotuje chór 1. serbskeje kulturneje brigady. Po nyšporje zetkamy so na farje k zhromadneje swačiny. Dekanatny kružk změje za was hišće dalše překwapjenki spřihotowane. Budźće wćipni!

*Dekanatny kružk*

## **Z Mailanda do Roma**

W Chróšćanskej putniskej hospodze přednošujetej Elvira Juhl a Karina Städter z Lubija sobotu, 10. decembra, w 19.45 hodź. wo swojim putnikowanju po Via Francigena do Roma. Tutón puć kónči při rowomaj japoštołow Pětra a Pawoła. W awgusće 2013 stej žonje 750 kilometrow dołhi putniski puć šloj. Po pjeć tydženjach stej Pětrowe naměsto z Pětrowej cyrkwy docpěloj. Tam stej dzeń pozdžišo generalnu awdiencu z bamžom Franciskusom w přnim rynku dožiwiłoj. Tute zakónčenje jeju putnikowanja wostanje jimaj njezapomnite dožiwenje. Ze swětłowobrazami budžetej wo nazhonjenjach ducy po puću a we Wěčnym měsće rozprawjeć.

## **Hudźbny nyšpor**

W cyrkwi klóštra Marijineje hwězdy w Pančicach-Kukowje budže njedźelu, 11. decembra, w 16.30 hodź. adwentny hudźbny nyšpor. Piščelam da Wolfgang Skorupa zaklinčec a Bettina Preusker zahraje na fleće. Přecelski kruh klóštra a rjadniske sotry wšitkich zajimcow wutrobnje přeprašuja.

## **Paslenje hodownych darikow**

Dekanatne dušepastyrstwo přeprošuje šulerki a šulerjow 6. do 8. lětnika sobotu, 17. decembra, wot 9 do 14 hodź. na paslenje hodownych darikow do Don Boskoweho domu we Worklecach. Zajimcy njech so prošu hač do wutory, 13. decembra pod telefonowym čisłom (03 57 96) 8 87 07 we Worklecach přizjewja. Za wudawki zběra so na wobdźělnika přinošk we wysokosći dźesać eurow.

## **Poskitk džěloweho městna**

Dom swjateho Jana w Smječkecach pyta za nócnu službu pak chorobnu sotru (Gesundheits- und Krankenpfleger) pak hladarja starych z přidatnym wukubłanjom za hladanje zbrašenych (HPZ) pak hladarja-kubłarja zbrašenych (Heilerziehungspfleger) abo z podobnym powołanjom a zwólniwošću, tute kwalifikaciju nachwatać. Džělowy čas je wot wječora 20 hodź. hač do ranja 6 hodź., a to dvě do tři nocy wob tydžeń. Městno ma so wot 1. januara wobsadzić. Swoje pisomne požadanje měli zajimcy hač do 30. nowembra na adresu Dom swjateho Jana, Janska kupjel 1, 01920 Worklecy, pósłać.

## **Putniskej jězbje klětu do Roma a do Lourdesa**

Tež klětu přeprošuju zaso zajimcow na putnisku jězbu z lětađlom do Roma, a to wot njedźele do štwórtka, 7. do 11. meje. Dalša putniska jězba z busom powjedže wot srjedy, 13. septembra, do štwórtka, 21. septembra, do Lourdesa. Stacije su Gardaski jězor, Diano Marina při italskej rivierje, Monaco a Arles w Provence. Dompuć powjedže přez měšće Nevers a Beaune w Burgundže. Nadrobniše informacije dóstanu zajimcy pod telefonowymaj čisłomaj (01 63) 7 33 82 05 abo (03 57 96) 9 54 28 (po 19 hodź.) abo pola mje w Hórkach, Sydlišćowu puć 2.

*Maćij Hadank*